


366.



Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
Hielms. 366 8° (LN 773)





Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
Hielmst. 366 8° (LN 773)



Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
Hielmst. 366 8° (LN 773)



Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
Hielmst. 366 8° (LN 773)

Nº 366.



M. Tardieu fecit



L. N. 773

H

ASSERTIONES  
DE  
OPERIBVS  
QVINTI PRAECEPTI,  
*Propositæ in disputati-*  
*onem.*

à  
Nicolao Hemmingio,  
in Martio. Anno.

1571.



Haffniæ,  
Excudebat Laurentius  
Benedictus.

1571.



ser  
lun  
con  
Soc  
qua  
ta c

O  
à n  
tuta  
cesc  
recta  
hunu  
bus a



**N**T opera bona quintæ legis à  
sincera dilectione proximi  
manant, ita ad iustum & le-  
gitimā personæ proximi con-  
seruationem & societatis humanae inco-  
lumentat referuntur.

**2.**  
Dilectio ergo Proximi & eiusdem  
conseruatio (vndē pendet incolumentas  
Societatis huminæ) limites sunt, intrā  
quos opera huius præcepti proximo debi-  
ta claudentur.

**3.**  
Hac constituta regula facilius erit  
& promptius colligere quæ opera Deus  
à nobis hac quinta lege requirat.

**4.**  
Verum quia opera illa certarum vir-  
tutum sunt cætiones, quæ virtutes rectri-  
ces & moderatrices actionum sunt, iuxta  
rectam rationem, de virtutibus ipsis  
huius præcepti proprijs, earumq; actioni-  
bus agemus.      A 2      Etsi

5.

*Etsi autem alij aliter virtutes huius præceptj digerunt, quorum quidem diligentiam laudo, tamen ut nos intrâ limites à nobis positos contineamur, omnes virtutes huius quintj Præcepti sub benevolentia & beneficentia concludamus. Nihil enim hoc præceptum requirit quod non alterutra harum virtutum contineatur.*

**Dè benevolentia.**

6.

*Benevolentia est veluti Primus riulus, manans à dilectionis fonte. Nam ejus quæ diligimus, hoc est charum habemus, benè quoque velimus necesse est.*

7.

*Hanc benevolentiam tanquam <sup>ex</sup>rius excipiunt hæc virtutes: Candor, amicitia, humanitas, concordia.*

8.

*Candor sinceritas & puritas quædam animi est, quæ ut non admittit ullas*

*fī.*

sinistras suspiciones dè persona proximi  
sine evidenti probatione: ita Vituperabi-  
lia in proximo non virtutum larua indu-  
it: sed vicia esse vicia iudicat, quod qui  
non facit, non solum Deo & naturæ legi  
aduersatur, verum etiam sano iudicio de-  
stitutus esse consendus est.

9.

*Quid enim turpius esse potest, quam  
schapham ligonem, & ligonem scha-  
pham appellare, hoc est vicia, larua vir-  
tutum ornare, & virtutes viciorum cano  
deformare?*

10.

*Amicitia reciproca bonorum inter se  
benevolentia est, & voluntas sibi inuicem  
benefaciendi, ex vera pietate & virtute  
manans.*

11.

*Amicitia enim illa, quæ vel ἐν ἀδονᾶς,  
vel ἐν ταρσοῖς (vt Hippodamus Loqui-  
tur) ortum habet, deficiente voluptate,  
& cessantibus beneficijs reciprocis inter-  
moritur.*

A 3

Vera

12.

Vera proinde & homine digna amicitia peitate & virtute conciliata comitate conditur, grauitate firmarur, constantia & fide conseruatur, συμπαθεία probatur, & mutuis officijs continuatur.

13.

Humanitas latius se extendit, quæ & naturæ facilitatem, & morum suavitatem complectitur.

14.

Hæc maximè sibi animos hominum conciliare solet, facile ignoscit, communem fragilitatem cogitat, vnde comicum illud: homo sum, humani à me nihil alienum puto.

15.

Grecè admodum significance vocabulo dictur φιλαυθεωσία, quam Plato definiit ἐξ Εὐργητικήν τῶν ἀνθεώσων, Hanc Paulus Tito scribens Deo tribuit. Digna propterea homine, ut qui & homo sit, & ad Dei imaginem conditus, ut ipsum imitetur.

Con-

16.

Concordia siue à citharæ chordis, siue à plurium cordium vinculo dicitur, laudatissima virtus est, qua ut quidam rectè ait, paruæ res crescunt.

17.

Hæc virtus ut mutuam benevolentiam fouet, ita maiores, pares, minores respicit, & συμφωνίας quadam ordinum & omnium statuum inter se, tanquam omnium dulcissima Musica summè delectatur. Nam ut citharæ sonus tum demum iuccundus est, quandò ita intenduntur & remittuntur chordæ, & arte trahuntur ad harmoniæ regulam, ut unum iustum et suauem concentum efficiant: ita animi bonorum concordia mutua delectantur, unde apud Græcos nomen accepit ομονοίας quo significatur animorum summus consensus.

DE BENFI  
centia.

A 4

Bene

18.

Beneficentia id præstat opera, quod  
benevolentia animo concepit. Hanc di-  
cunt coniunctam esse cum iustitia, per  
hanc enim iustitia suum munus exequi-  
tur.

19.

Siquidem iustitia, ut præclare dicit  
Bernardus, maioribus reuerentiam &  
obedientiam: æqualibus consilium &  
auxilium: inferioribus custodiam & di-  
sciplinam, hoc est singulis τὰ καθήκοντα red-  
dit.

20.

Etsi autem hæc verè dicuntur, ta-  
men ut magis sit nobis vis beneficentiae  
perspecta, quam hæc quinta lex postulat,  
subijciam beneficentiae ut ἀκολουθα quæ-  
dam, mansuetudinem, εὐεργειαν, fortitu-  
dinem, Zelum, Liberalitatem, & mise-  
ricordiam.

21.

Mansuetudine benefacit proximo  
qui

qui iniuria affectus, ira ruentis ad vindictam impetum ita retinet, ut crudelitate in proximum, qui offendit, non securat, & aliquid indignum iustitia temere committat.

22.

Etsi autem ira naturalis affectus est, insurgens aduersus ea quae virtutj aduersatur, & ea propugnans quae à ratione monstrantur esse bona & laudabilia, tamen in vicio est quaudò rectam rationem non sequitur, sed ruit cæco impetu in eum qui offendit, extra iustitiæ limites.

23.

Sed illa demum ira laudabilis est, quae ex bona causa procedit, & tendit moderatè & iuste in bonum aliquem finem. Talis ira & motus animi ad cohercenda peccata insurgentis fuit in Mose, Elia, Christo, Paulo, absque vicio.

24.

Ἐπικίνδυνον ius moderatur, & cedit ob cause circumstantias severæ iustitiae:

A 5

tiæ:

*tiæ: Dicitur autem ἐπικρίνεια quasi ἐπιλογή<sup>1</sup>*  
*ἐπικρίνεια τῷ νομίμῳ.*

25.

*Est autem hæc ἐπικρίνεια duplex, Publica & priuata, illa iudicis personam sustinentis, hæc hominis cuiusvis priuatim agentis est.*

26.

*Publica ἐπικρίνεια est qua iudex flectit legem ad causam, & non causam ad legem. Ut enim figura lapidis in structura lesbia mutata, mutatur & norma: ita causa pro circumstantiarum conditione variante, variat & mens legis ἐπικρίνεια.*

27.

*Flectitur ergo lex ad causam quando non spectatur τὸ ἀκριβόδικαιον, sed mens & voluntas legis accommodatur causæ, contra verò causam ad legem flectitur, quando retinetur in indicando τὸ ἀκριβόδικαιον, & nulla ἐπικρίνεια propter circumstantias admittitur, & tunc sumnum ius fit summa iniuria.*

*Pri-*

28.

Priuata tolerat infirmitatem proximi, tegit arcana errata, sanat manifesta delicta, doctrina, consilio, admonitione, fraterna obiurgatione.

29.

Fortitudo proximo commodans etiam duplex est videlicet publica & priuata, illa magistratus, hæc singulorum priuatim.

30.

Fortitudo in magistratu, iustitiae propugnatrix ratione ad vindictam prosperat, & finem habet conseruationem humanæ societatis, idque per defensionem veræ religionis, veræq; virtutis, & op-pugnationem falsæ religionis, & vicio-rum grassantium repressionem.

31.

Frritudo priuata est cum singuli invicto animo potius ferunt iniuriam, quam ut iniuste se vlciscantur de proximo, hæc etiam patientia dicitur.

Zelus

32.

*Zelus & si in Genere est cuiusvis af-  
fectus Vehementior æstuatio, tamen hic  
solummodo dè eo zelo agimus, quæ bene-  
ficiæ erga proximum ut pars quedam  
subiicitur.*

33.

*Est ergò hic zelus affectus vehe-  
mens quo iustè indignamur aduersus con-  
tumaciam in atrocibus sceleribus, quò  
contumacia repressa alij tranquillè  
vivant, & unitas societatis conserue-  
tur.*

34.

*Hic Zelus tum demum est lauda-  
bilis, quandò excitatus ab Heroico mo-  
tu in magistratu vindice scelerum, vel  
à spiritu sancto ortus, secundum scien-  
tiā tempestiuè exercetur in gloriam  
Dei, qualis conspicitur in Mose, in Phi-  
nee, Elia, in Christo, in Paulo.*

35.

*Liberalitas quæ ελευθερίας Græcè di-  
citur,*

citur, est munificentia propriè magnorum  
et liberorum hominum, qua iuvant et  
ornant ordines et status hominum suis fa-  
cilitatibus, ut benè mereri videantur de  
societate humana. Huic cum prælucet  
pittas vera ut in Salomone, Davide, Io-  
sia, laudabilis est. Contrà verò si ab ani-  
mo inanis Gloriæ cupido proficiscitur, in  
vicio est.

36.

Misericordia erga proximum affec-  
tus homine dignissimus, est συμπάθεια qua  
tangimur aliena miseria tanquam nostra  
propria, quaq; eius miseriæ nostris bonis  
succurrimus. Breuiter, Misericordia est  
affectus ipse miserendi, et quicquid offi-  
cij ex hoc affectu miseris et afflictis piè  
iusteque præstatur. Et dicitur in scripiuris  
interdum δικαιοσύνη, ut sciamus eleemosy-  
nam non esse liberum beneficium, sed de-  
bitum officium.

37.

Consistit autem hæc misericordia in  
duo-

duobus, scilicet in remittendo & dando.

38.

*Misericordia in remittendo positā  
est, quæ vel pauperj debitum quod non est  
soluendo, nisi attrahat sibi miseriam,  
condonat, vel ej qui offendit, veniamque  
precatar offendam remittit modo id piè &  
utilem fieri possit.*

39.

*Misericordia quæ in dando cernitur,  
ignoranti communicat doctrinam, aber-  
rantj correctionem, dubitanti consilium,  
tristi consolationem, esurientj cibum, siti-  
enti potum, nudo uestes, vago domum.  
Breuiter: omnij misero & afflicto quan-  
tum potest succurrir.*

40.

*Hanc dominus, ex Oſeæ 6. testimo-  
nium adducens, anteponit sacrificio, cum  
ait: Profecti discite quid sit: misericordi-  
am volo & non sacrificium.*

41.

*Autor epistolæ ad Hebræos elemosy-  
nam*

nam valde placere deo testatur, cum in-  
quit: Beneficentiae & communicationis  
ne ocluiscamini, talibus enim victimis  
delectatur Deus.

42.

Verum hoc accipiendum est de ele-  
mosyna quae praestatur a Publicano, &  
non a Phariseo, id est quae praestatnr a  
pijs ad Deum conuersis, & non ab impijs  
hypocritis. Nam horum eleemosyna, et si  
usu valet, cultu tamen est viciosa &  
abominabilis coram Deo, Quicquid enim  
non fit ex fide peccatum est: Ut potè  
profectum ab ijs quorum & mens  
& conscientia polluta est, &  
aberrans a debito  
fine.





366.